

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA

Zakonodavno-pravna komisija

Broj: 02/2-1732/16

Sarajevo, 15.09.2016. godine

DOMU NARODA
PARLAMENTA FEDERACIJE BIH

Zakonodavno-pravna komisija Doma naroda Parlamenta Federacije Bosne i Hercegovine na 15. sjednici, održanoj 15.09.2016. godine, razmatrala je:

1. Prijedlog Zakona o izmjenama i dopunama Zakona o igrama na sreću – hitni postupak,
2. Prijedlog Zakona o izmjenama Zakona o naplati i djelimičnom otpisu dugovanja sportskim kolektivima (predlagač: Slađan Ilić, delegat u Domu naroda), skraćeni postupak,
3. Nacrt Zakona o šumama,
4. Nacrt Zakona o premjeru i registraciji nekretnina,
5. Nacrt Zakona o registru finansijskih izvještaja,
6. Nacrt Zakona o računovodstvu i reviziji u Federaciji Bosne i Hercegovine,
7. Nacrt Zakona o izmjenama i dopunama Zakona o unutrašnjoj trgovini.

U skladu sa članom 51. a u vezi sa članom 56. Poslovnika o radu Doma naroda Parlamenta Federacije Bosne i Hercegovine Komisija podnosi Domu naroda sljedeći:

I Z V J E Š T A J

1. **Prijedlog Zakona o izmjenama i dopunama Zakona o igrama na sreću – hitni postupak**

U općoj raspravi Komisija je utvrdila da postoji ustavni osnov za donošenje Zakona o izmjenama i dopunama Zakona o igrama na sreću sadržan u članu III.1. tačka e), koji je izmijenjen amandmanima VIII., LXXXIX. i CVI., i članu IV.A.20. (1) d) Ustava Federacije Bosne i Hercegovine prema kojima je u isključivoj nadležnosti Federacije donošenje propisa o finansijama i finansijskim institucijama Federacije i fiskalna politika Federacije, a Parlament Federacije je, uz ostala ovlaštenja predviđena Ustavom, odgovoran i za donošenje zakona o vršenju funkcija federalne vlasti.

Komisija većinom glasova nije podržala razmatranje i donošenje Zakona po hitnom postupku.

2. Prijedlog Zakona o izmjenama Zakona o naplati i djelimičnom otpisu dugovanja sportskim kolektivima (predlagač: Slađan Ilić, delegat u Domu naroda), skraćeni postupak

U općoj raspravi Komisija je utvrdila da postoji ustavni osnov za donošenje izmjena Zakona o naplati i djelimičnom otpisu dugovanja sportskim kolektivima sadržan u članu IV.5.(1) d) Ustava Federacije Bosne i Hercegovine.

Komisija podržava razmatranje i donošenje Zakona po skraćenom postupku.

3. Nacrt Zakona o šumama

U općoj raspravi Komisija je utvrdila da postoji ustavni osnov za donošenje Zakona o šumama sadržan u odredbama člana III (1) b), člana III (2) c), h) člana III 3. i člana IV.A.7.20. (1) Ustava Federacije Bosne i Hercegovine.

Odredbama ovih članova propisano je da se ekonomska politika, uključujući planiranje i obnovu i politiku korištenja zemljišta, utvrđuje na federalnom nivou – III. (1) b), a Parlament Federacije Bosne i Hercegovine, uz ostale ovlasti propisane Ustavom Federacije Bosne i Hercegovine, odgovoran je za donošenje zakona o vršenju funkcija federalne vlasti - IV.A.7.20. (1) d).

Federalna vlast i kantoni zajednički su nadležni za politiku zaštite čovjekove okoline i korištenje prirodnih bogatstava - III (2) c), h).

Komisija prihvata Nacrt Zakona i smatra da može poslužiti kao osnov za izradu prijedloga Zakona.

4. Nacrt Zakona o premjeru i registraciji nekretnina

U općoj raspravi Komisija je utvrdila da postoji ustavni osnov za donošenje Zakona o premjeru i registraciji nekretnina sadržan u odredbi člana IV.A.20.(1)d) Ustava Federacije Bosne i Hercegovine.

Prema tim odredbama u isključivoj nadležnosti Federacije Bosne i Hercegovine je utvrđivanje ekonomske politike, uključujući planiranje i obnovu, te politika korištenja zemljišta na federalnom nivou, a Parlament Federacije, uz ostale nadležnosti predviđene Ustavom, odgovoran je za donošenje zakona o vršenju funkcija federalne vlasti.

Komisija prihvata Nacrt Zakona i smatra da može poslužiti kao osnov za izradu prijedloga Zakona.

5. Nacrt Zakona o registru finansijskih izvještaja

U općoj raspravi Komisija je utvrdila da postoji ustavni osnov za donošenje Zakona o registru finansijskih izvještaja sadržan u članu III. 1. tačka c., koji je izmijenjen amandmanima VIII., LXXXIX. i CVI., i članu IV A 20. (1) d) Ustava Federacije Bosne i Hercegovine prema kojima je u isključivoj nadležnosti Federacije Bosne i Hercegovine donošenje propisa o finansijama, a Parlament Federacije Bosne i Hercegovine, uz ostala ovlaštenja predviđena Ustavom, odgovoran je za donošenje zakona o vršenju dužnosti u federalnoj vlasti.

Komisija prihvata Nacrt Zakona i smatra da može poslužiti kao osnov za izradu prijedloga Zakona.

6. Nacrt Zakona o računovodstvu i reviziji u Federaciji Bosne i Hercegovine

U općoj raspravi Komisija je utvrdila da postoji ustavni osnov za donošenje Zakona o računovodstvu i reviziji sadržan u članu III. 1. tačka c., koji je izmijenjen amandmanima VIII., LXXXIX. i CVI., i članu IV A 20. (1) d) Ustava Federacije Bosne i Hercegovine prema kojima je u isključivoj nadležnosti Federacije Bosne i Hercegovine donošenje propisa o finansijama, a Parlament Federacije Bosne i Hercegovine, uz ostala ovlaštenja predviđena Ustavom, odgovoran je za donošenje zakona o vršenju dužnosti u federalnoj vlasti.

Komisija prihvata Nacrt Zakona i smatra da može poslužiti kao osnov za izradu prijedloga Zakona.

7. Nacrt Zakona o izmjenama i dopunama Zakona o unutrašnjoj trgovini

U općoj raspravi Komisija je utvrdila da postoji ustavni osnov za donošenje Zakona o izmjenama i dopunama Zakona o unutrašnjoj trgovini sadržan u članu III.1. tačka b), koji je izmijenjen amandmanima VIII., LXXXIC. i CVI., i članu IV.A.20.(1) d) Ustava Federacije Bosne Hercegovine prema kojima je u isključivoj nadležnosti Federacije Bosne i Hercegovine, između ostalog, utvrđivanje ekonomske politike, a Parlament Federacije Bosne i Hercegovine, uz ostale nadležnosti predviđene Ustavom, nadležan je za donošenje zakona o vršenju dužnosti u federalnoj vlasti.

Komisija prihvata Nacrt Zakona i smatra da može poslužiti kao osnov za izradu prijedloga Zakona.

PREDSJEDNIK KOMISIJE

Jasenko Tufekčić, s.r.